



Inatsisartunut Ilaasortaq Per Rosing-Petersen, Partii Naleraq  
Inatsisartut Allattoqarfiat  
/Maani

**§ 37 naapertorlugu apeqqummut nr 189-imut akissuteqaat**

Tele Greenland A/S-imi direktørinik atorfinitsitsisimaneq pillugu Inatsisartut Suleriaasianni § 37 naapertorlugu Naalakkersuisunut apeqquteqaateqarputit. Apeqqutigisatit uannit akisassanngortinneqarsimapput.

Apeqqutigisannut tamakkiisumik akissutitut oqaatigisinnaavara ingerlatseqatigiiffinni namminersorlutik oqartussanit pigineqartuni direktørinik atorfinitsitsisarnerit Naalakkersuisunit akuliuffigineqarneq ajormata.

Ukiorpassuarni taamatut ingerlatsisoqarsimavoq aammalu taamatut Aalajangernermi aktiaateqarluni ingerlatseqatigiiffinnut inatsimmi § 9 malinneqarluni, tassanimit allasimammatt aktiaateqarluni ingerlatseqatigiiffinni aqutsisut siulersuisullu ataatsimeersuarnermi toqarneqartassasut aammalu siulersuisut qullersassaminnik toqqaasarnissaq pisussaaffigigaat. Tamanna Tele Greenland-imut atuuppoq, soorluttaaq ingerlatseqatigiiffinni allani namminersorlutik oqartussanit pigineqartuni atuutsinneqartoq .

Aktiaateqarluni ingerlatseqatigiiffinnut inatsimmi aalajangersakkat naapertorlugit Naalakkersuisut, piginnittut sinnerlugit ingerlatseqatigiiffiit ataatsimeersuarneranni siulersuisunik ilaasortanik toqqaasinnaatitaapput. Naalakkersuisut isumaqarput Tele Greenland A/S-imi siuttussatut siulersuisuni ilaasortanik pikkorissunik piukkunnartunillu toqqaasimallutik. Siulersuisunik toqqaanerit saniatigut Naalakkersuisut ingerlatseqatigiiffiit ingerlatsinerat pillugu oqaloqatiginnittarput periusissanik iliuusissanillu ineriartortitseqatigiittarlutik; qullersaqarfinnili sulisunilluunniit allanik atorfinitsitsinerni akuuneq ajorlutik.

"Akulerunnaveersaarnissamik" tunngavisoq ingerlatseqatigiiffiit namminneerlutik akisussaaffigisaannut tunngassuteqartoq Naalakkersuisut aalajangiusimaniarpaat.

08-08-2016  
Suliap nr. 2016 - 11527  
Allakkat nr. 3220986


Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Siuliani saqqummiunneqartut saniatigut oqaatigissavara isumaga naapertorlugu naalackersuinikkut suliassanut attuumassuteqanngitsunik inunnut ataasiakkaanut tunngassutilinnik apeqquusiillunilu pasilliinissaq pinaveersaarneqartariaqarmat, soorlu apeqqutigineqartumut uunnga tunngatillugu taamak pisoqarsimasoq. Inuiaqatigiit taamatut oqallinnerannut Naalackersuisut peqataajumangillat.

Apeqqutigineqartumut allanik oqaasissaqanngilanga.

Inussiarnersumik inuulluaqqusillunga

Med venlig hilsen



Kim Kielsen